

Broj: 01-05-1897- Od/21

Sarajevo, 24.11.2021.godine

Na osnovu člana 17. Zakona o osnivanju Instituta za medicinsko vještačenje zdravstvenog stanja (Službene novine Federacije BiH broj 70/07 i 28/14), člana 24. Pravila Instituta za medicinsko vještačenje zdravstvenog stanja (Službene novine Federacije BiH broj 38/08), člana 64. stav (1) i člana 70. Zakona o javnim nabavkama BiH (Službeni glasnik BiH broj 39/14), po Preporuci Komisije za javne nabavke od 24.11.2021.godine koja je imenovana Odlukom o pokretanju postupka broj 01-05-1879/21, u postupku javne nabavke ROBA: „Sredstva za čišćenje i održavanje higijene“, donosi se sljedeća:

O D L U K A
O IZBORU PONUĐAČA
(Javna nabavka robe: Sredstva za čišćenje i održavanje higijene)

I.

U postupku javne nabavke robe: sredstva za održavanje higijene, evidencijski broj nabavke u Planu javnih nabavki za 2021. godinu broj 8., po konkurentskom postupku za dostavu ponuda, broj obavijesti o nabavci na portalu javnih nabavki : **865-7-1-149-8-10/21 od 08.11.2021.godine**, s procijenjenom vrijednosti od 9.000,00 KM (bez PDV-a), kriterij odabira – najniža cijena prihvata se preporuka Komisije za javne nabavke od 24.11.2021.godine, te odabire ponuđač: **R&S D.O.O. Sarajevo, Igmanska bb Vogošća, broj ponude 32892/21 od 19.11.2021.godine s ponudom cijenom 8.995,55 KM bez PDV-a.**

II.

Ponuda ponuđača iz točke I. ove Odluke, cijenjena je kao prihvatljiva jer ista ispunjava sve formalno prave uvjete tražene TD.

III.

Ova Odluka dostaviti će se izabranom ponuđaču, te će se objaviti na Internet stranici Instituta za medicinsko vještačenje zdravstvenog stanja, u skladu se odredbama člana 36. i 70. Zakona o javnim nabavkama BiH (Službeni glasnik BiH broj 39/14).

IV.

Prijedlog okvirnog sporazuma koji će se sklopiti na procijenjenu vrijednost javne nabavke dostaviti će se izabranom ponuđaču po isteku propisanog roka Zakonom o JN.

V.

Ponuđač je dužan u roku od pet (5) dana od dana prijema ove Odluke dostaviti dokaze iz člana 45. stav 1) točke a) do d), Zakona o JN kako je traženo TD.

O B R A Z L O Ž E N J E

Na osnovu Plana javnih nabavki Instituta za medicinsko vještačenje zdravstvenog stanja za 2021. godinu kojeg je donio Upravni odbor Instituta, donesena je Odluka o pokretanju postupka javne nabavke roba: Sredstva za čišćenje i održavanje higijene, te je istom Odlukom imenovana Komisija za provođenje postupka.

Javna nabavka sukladno Planu javnih nabavki (evidencijski broj: 8) provedena je u konkurentskom postupku- zahtjev za dostavu ponuda- kriterij najniža cijena, sa procijenjenom vrijednosti nabavke od 9.000,00 KM bez uračunatog PDV-a i namjerom provođenja E-aukcije.

Komisija za javne nabavke provela je postupak, te je utvrđeno da je samo jedan ponuđač dostavio ponudu, da nije bilo neblagovremenih ponuda, pa je dana 23.11.2021.godine provedeno javno otvaranje ponuda, i zapisnik o otvaranju, sa zapisnikom o prijemu ponuda dostavljen ponuđaču koji je predao ponudu.

Nakon izvršenog pregleda i ocjene ponuda Komisija za javne nabavke, utvrdila je da ponuda ispunjava sve formalno pravne uvjete i zahtjeve ugovornog tijela i kvalifikacijske uvjete definirane tenderskom dokumentacijom prema objavi broj gornji, da je ponuđač preuzeo tendersku dokumentaciju sa poratala javnih nabavki, te sukladno Pravilniku o uslovima i načinu korištenja e-aukcije (Sl. glasnik BiH broj 66/16 od 06.09.2016. godine) ista nije provedena jer je ponudu dostavio samo jedan ponuđač.

Detaljniji opis ponude, sa dokumentacijom i cijenom nalazi se u Zapisniku o pregledu i ocjeni ponuda od 24.11.2021. godine koji je prilog ove Odluke.

Sukladno Zapisniku o pregledu i ocjeni ponuda broj gornji koji je dostavljen direktoru Instituta, preporučeno je da se odabere navedeni ponuđač, sa cijenom određenom u točki I. ove Odluke.

Nakon provedenog postupka, te analizom dostavljene dokumentacije i izvještaja Komisije, posebno su cijenjene činjenice da je Komisija za javne nabavke provela postupak sukladno odluci o imenovanju, izvršila ocjenu kvalificiranosti ponuđača (formalno – pravni uvjeti i zahtjevi kako su definirani tenderskom dokumentacijom), te dala izvještaj o radu i preporuku u skladu sa Zakonom o javnim nabavkama BiH (Službeni glasnik BiH broj 39/14) i podzakonskim aktima, te aktima Instituta za medicinsko vještačenje zdravstvenog stanja.


Na osnovu svega navedenog odlučeno je kao u izreci ove Odluke.

POUKA O PRAVNOM LIJEKU:

Na ovu Odluku svaki od ponuđača koji je učestvovao u postupku može uložiti žalbu Uredu za razmatranje žalbi BiH, u roku od 5 (pet) dana od dana zaprimanja odnosno objavljivanja, a putem Institut za medicinsko vještačenje zdravstvenog stanja kao Ugovornog tijela, i to pismenim putem - preporučenom pošiljkom ili izravno.

Dostaviti:

- R&S d.o.o. Sarajevo, Igmanska bb Vogošća
- arhiva predmeta
- a/a


direktor, dr. Ludvig Letica